



DEO OPTIMO MAX.  
UNI ET TRINO,

VIRGINI DEIPARÆ, ET S. LUCÆ,  
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS  
*manè discutienda in Scholis Medicorum, die Jovis vigesimo-quarto  
mensis Januarii, anno Domini M. DCC. XLIII.*

M. CAROLO-FRANCISCO BOUTIGNY DES PREAUX,  
Doctore Medico, Præside.

*An in quâlibet hominis ætate succus idem nutritius?*

I



IN E motu quæ possent explicari animantium corpora arctissimis Vermiculorum terminis angustata? Quæ possent conservari, crescere, corroborari? Sed idem ille motus corporeæ naturæ alumnus ut ita dicam & custos, ejus est & everfor. Humores siquidem muscutorum contractionibus acti, lambendo jugiter valorum parietes quibus coarctantur, illos rodunt, sensim & scalpunt, jugique particularum abrasione debilitant, nec sine sui damno; quippè quorum molecule attritu continuo subacte, ita attenuantur, ut sub roris formâ, vel subtilissimi vaporis specie exhalent. Nec minùs detrimenti ipsi patiuntur muscoli, quorum actione tota in motum machina agitur. Nisus valido & iterato ipsi se mutuo terunt, limant, levigant, minuunt, destruunt, Quin & ossa, ipsa ossa jacturam sui faciunt, variis pervia liqui-

dis particulas osseas in suo cursu secum abigentibus. Quæ de animantium in genere, hæc de hominum corporibus intelligenda veniunt. Eadem utrorumque lex est & natura. Tota utrobique compages citò pefundata dissolveretur, ni artifex supremus conservando operi prospexisset, illudque ita temperasset, ut undè oriuntur, inde & resarcirentur detrimenta, & quæ motus rapuerat, ea idem restituisset, restauratorem ubique succum circumducendo; hujus ea natura est & indoles, ut in tenuissimum immutatus vaporem, consimiles & congeneres cunctis partibus nutriendi corporis advehat secum particulas, quæ arte mirâ in suo cursu, ubi quid debile vel caducum occurrit, applicentur, conglutinentur, consolidentur. Quî enim aliter explicari potest stupendum nutritionis artificium.

## II.

**C**HYLUS angustioribus solidorum poris subeundis impar. Componentes particule sibi Heterogeneæ, dividendæ, ulterius & elaborandæ. De sanguine paulò subtiliori eadem asserimus. Spissius est etiam illius serum, ut exilissimos partium cuniculos pervadat. Ideoque hæc nutritioni inepta. Circumacta verò actione viscerum & vforum diversas patiuntur mutationes, partemque tandem dant adèò subtiliorem, ut minima, solidissima & compacta magis corporis humani permeet, irroret, humectet, nutriat. Fluidum illud tenuissimum abundantes particulas quales separata & perdita fuerant, circumquaque secum volvit, ad illa ipsa interstitia apponit, applicat, interceptas his meatibus fingit, figurat, affigit, adèò ut similiter adhærescant ac priores. Nec cuiquam mirum fuerit, quod hæc tam sapienti quàm constanti fiant ordine, ut nec osseæ nervis, nec ossibus nerveæ unquam agglutinentur particulae, nisi ignoraverit quod certâ constet experientiâ, quomodo scilicet liquores mixti separentur, quomodo, quibus legibus integri quique restituantur. Quo semel est imbuta, hunc solum, cæteris aditu denegato, recipiet vitta scyphi in modum crateri apposita. Eodem modo motus nutritium succum circumdefert; pars quæque convenientia sibi quasi eligit, admittit, detinet, totâ discretionis &, ut ita dicam saporis ratione, in figuræ particularum congruentiâ cum rimarum diametris consistente. Nec inficias eat quisquam aquâ tenui, tot tamque diversas & variæ naturæ partes in corpore, fluidas, solidas, lentas, rigidas, augeri, nutriri, reparari, conservari. Ex quâ materie *v. g.* ædificantur Testaceorum omnium turgiola, sive angustiora dilatari necesse sit, sive disrupta reparari, nisi ex sudore quodam quem è corpusculo emittunt hæc animalcula? Ex quo cæmento tam calam quasi linimentum ejus interius ejusdemque naturæ margaritas elaborant Ostreae, nisi ex liquore qui ex illis spirat? Ex quâ substantiâ aliâ surrexit Salix illa *Helmontii* quinque librarum ad pondus centum sexaginta quatuor per spatium annorum quinque, sine terrâ in quâ fuerat sita diminutione, & aditu cæteris corporibus præter aquam diligentius præcluso. Omnia ergo fiunt ex aquâ, non quod in illorum varias transeat naturas, sed quod particulis rigidulis, solidis & homogeneis corporibus omnibus prægnans, vectet materiam undè omnia ædificantur.

## III.

**H**ACTENUS succi nutritii naturæ considerandæ immorati sumus, quem nutriendis congruum & idèò congenerem esse debere sumus suspicati. Nunc expendendum an corpus humanum idem sit in variis suis ætatibus, ut inde eruiamus an idem quoque in quolibet hominis ætate succus nutritius. Nullus equidem dubitationi locus esse videtur, quin quibus partibus constat homo perfectus, juvenis, puer, infans, sive recens natus, sive adhuc in suæ matris utero sed ad ortum vergens, iisdem etiam non componatur & Embryo imò & animalculum, seu reptet

adhuc in viscoso liquore, seminis nomine nuncupato, seu intromissus in femina uterum, ovum aliquod ex ovario delapsum subintrorierit. vermiculus ille spermaticus, licet exiguus, summam in se continet totum hominem futurum. Fœtus formatio non est nova partium quæ antea non extiterint creatio, sed jam existentium, minimoque spatiolo obvolutarum, evolutio & explicatio. Vermiculus in ovo quasi in sacculo reconditus, liquore innatatus tenuissimo qui admotus igni inspissatur, in utero talis seritur. Humores quibuscumque irroratur uterus, fluidiores magis ac magis tum motu, tum calore facti, penetrant, dilatant & turgescere faciunt pretiosum illud ovum cujus pars convexa concavæ uteri parti, quas emittit radiculis, hæret & insiguitur. Tota capacitas uteri completur. Interea germen totius hominis futuri summarium evolvitur, crescit sensim, donec debitam magnitudinem adeptus vermiculus infans factus, angustiori sibi carceri aperiendo vim adhibeat, viam sibi paret, exeat, nascatur. Omnes illius partes quæ in posterum durefcunt, primâ origine à liquidis undè formantur haud multum discrepantes, dilatantur magis ac magis, formam in dies recipiunt & soliditatem debitam, requie, cohesione & motu liquorum qui in canalibus cylindricis in directum impulsus, vim eò majorem adhibent, quò à majori per minus spatium cursum dirigere coguntur, majori impulsu majorem renitentiam vincere conantur. Quæ machinatio, cum sit eadem per totam hominis vitam, indè fit ut quò minus ab ortu, eò magis crescant corpora, quò longius distent, eò magis solidentur, donec hoc motu perseverante, majora liquidis magis distenta, jugiter premendo minora quæ texturâ suâ majorum membranas efficiunt, illa evacuant, exsiccant & ipsa in dies fiant solidiora rigidaque, ut in senectute observatur.

## I V.

**E**X dictis hætenus suspicandi locus est, congruentiam perfectam nos insinuas se, non solum inter hominum & animalium corpora, de quâ nemo est qui, opinor, ambigat, sed & inter animantium & vegetantium corpora. Quæ opinio, licet eandem veritatem præ se ferat, non eandem tamen in omnium animis habet certitudinem. Quamvis in quibusdam utrorumque corpora discrepent, essentialis tamen in utrisque, propius attendenti, deprehenditur uniformitas. Quæ vitâ gaudent corpora, sive animalia, sive vegetabilia, eodem planè nutriuntur modo. Utraque enim compages sunt quædam mirabilis vasorum vivifico distentorum liquore. Eorum omnium eadem omnino structura. Plantarum fibræ exigui ductus sunt venarum instar, quibus varii circumquaque fucci vehantur, valvulis instructi sunt quibus liquores sustinentur ne in se resiliant. Quàm plurimæ vesiculæ, in modum catenæ sibi invicem coherentes obliquè has fibras transgrediuntur, tanquam receptacula succorum quos ibi effundunt fibræ, ut in his immorati, digerantur & nutriendæ plantæ apti efficiantur. Aëre vita in corporibus conservatur, in motum aguntur fucci. Huic colligendo pulmones inserviunt. Sui quoque plantis adfunt, Trachæarum nomine clari; harum etiam tantus est numerus, ut ubique ferè deprehendantur. Exiles quædam laminæ in spiram convolutæ tubos longiores efformant modò latiores, arctiores modò, hic planos, cellulis ibi distinctos, quibus aër intromissus plantarum succum penetrat, attenuat, & qui alterno suo motu inflationis & depressionis, sæpius proxima vasa comprimendo, fucci circulationem accelerant. Sua sunt & plantis viscera, radices, truncus & folia nutritioni inservientia, flores & fructus generationi. Radices scilicet ore multiplici succos è terrâ proprios ebibunt, vesiculis digerunt tanquam stomachulis motu Trachæarum quæ ibi plurimæ sunt donec eatenus attenuentur, quoad fibras in origine trunci sitas, quæ glandulas

4

animalium conglomeratas imitantur, penetrare valeant, indè truncum permeare; & per illum in folia deferri, ubi toti plantæ nutriendæ liquidissimi facti, capaces tandem & idonei perficiantur. E plantarum sicut & animalium corporibus humor exsudat aliquandò sensibilis, ut in Fraxinis qui mannam dant, in aliisque arboribus undè gummi extillant, modò insensibilis qui non, nisi vario quem spirant odore, deprehenditur. Idem ergo est artificium in structurâ, accretione, conservatione corporum omnium viventium; nec aliâ certius viâ ad corporum animalium cognitionem perducimur, quam si vegetantium accuratè naturam introspeciamus. De his tûtò affirmari potest, tota in suo germine contineri, ut experientiâ sæpius & à multis iterata demonstratum est. Jam ergo & de homine asseverandum putamus, neque novas partes ejus corpori in dies in matris utero formari, sed quæ priùs in vetriculo fuerant evolvi tantùm & dilatari.

V.

**S**I plantæ ad justam altitudinem provectæ, totæ in suo germine contineantur ut multiplici constare experientiâ jam diximus; non paucioribus tentamentis compertum est eodem, à primâ sua origine ad ultimam usque senectutem, succo nutrirî. Quàm multi curiosi naturæ secretorum investigatores, aquâ solùm diversî generis plantas à grano usque ad flores & fructus perduxêre! Quotidiè apud nos, dum hyems aspera terræ sinum claudit, & omnia vegetantia in otio & inertia tanquàm mortua detinet, hortorum amœnitatem & odores referunt camini nostri. Nemo nescit Narcissorum bulbos, ut cæteros flores omittam, lagunculis vitreis aquâ sæpiùs renovatâ plenis impositos, radices, folia, flores emittere. Eadem semper aqua, idem ergo semper succus nutritius. Ex his quæ diximus hætenùs eundem esse in homine nutriendo mechanismum. Fluido tenuissimo, quod è sero sanguinis sæpiùs triturato oritur, alitur infans in utero matris, eodem puer, eodem vir, senex eodem.

*Ergo in quâlibet hominis ætate succus nutritius idem.*

## DOMINI DOCTORES DISPUTATURI.

*M. Claudius-Carolus de Jean.*

*M. Joannes de Dieß.*

*M. Antonius Pepin, Regis  
Consiliarius & in portu Brej-  
sensî Medicus Primarius.*

*M. Franciscus-Felicitas Coehu,  
Scholarum Professor.*

*M. Josephus de Justeu.*

*M. Joannes Hermens, Medicus  
Regis ordinarius.*

*M. Ludovicus-Florentius Bellor,  
Scholarum Professor designatus.*

*M. Henricus-Franciscus Bour-  
delin.*

*M. Raymondus-Jacob Finor.*

Proponebat Parisiis, **LUDOVICUS - RENATUS MARTEAU**  
Parisiensis, Sorbonicus nec non Medicus Baccalaureus,  
A. R. S. H. 1743. à sextâ ad meridiem.